

საქართველოში სოფლის მეურნეობის რისკების დაზღვევის ფორმირების ეტაპები, არსებული მდგომარეობა და გამოწვევები

შორენა ჯადუგიშვილი
სტუ-ს დოქტორანტი

აბსტრაქტი

სოფლის მეურნეობა მნიშვნელოვან ადგილს იკავებს ქვეყნის ეკონომიკაში, რომლის განვითარებისათვის მნიშვნელოვანი ინსტრუმენტია რისკების დაზღვევა. როგორცაა სეტყვა, ქარიშხალი, ჭარბი ნალექი, წყალდიდობა, ყინვა, გვალვა და სხვა.

საქართველოში საჯარო და კერძო სექტორის თანამშრომლობაზე დაფუძნებული აგროდაზღვევის სუბსიდირებული პროგრამა 2014 წლიდან მოქმედებს და მიზნად ისახავს ფერმერების ფინანსურ სტაბილურობას და სოფლის მეურნეობის მდგრადობის უზრუნველყოფას. პროგრამის ფარგლებში დაზღვევა ფარავს ისეთ ძირითად საფრთხეებს, როგორცაა სეტყვა, ქარიშხალი, ჭარბი ნალექი და საშემოდგომო ყინვა (მხოლოდ ციტრუსოვანი კულტურებისთვის).

პროგრამის შედეგებიდან გამომდინარე თითქმის ყოველწლიურად ხდება პირობების დახვეწვა/დაზუსტება და ცვლილებების განხორციელება. დაზუსტდა ფრანშიზის განმარტება, შემუშავდა ზარალების შეფასების საერთო სტანდარტი (გარკვეულ კულტურებზე) პროექტში მონაწილე ყველა სადაზღვევო კომპანიისათვის, დაიხვეწა ანგარიშგების პროცედურები და ვადები, გადაიხედა და დაზუსტდა ნორმატიული მოსავლიანობა, ტარიფები, თანადაფინანსების პროცენტი, შესაძლებელი გახდა მრავალწლიანი კულტურების სამწლიანი დაზღვევა. სავალდებულოდ დაინერგა სამხრე ვიდეოკამერით ვიდეოგადაღება/აუდიო ჩანერა უწყვეტად სადაზღვევო შემთხვევის აღწერის პროცესში.

მიღწეული პროგრესის მიუხედავად, აგროდაზღვევის სისტემა კვლავ გამოწვევების წინაშე დგას, მათ შორისაა დაბალი მოცვა, ანტისელექციის პრობლემა, მეტეოსადგურების სიმცირე და ფერმერთა არასაკმარისი ჩართულობა. მიუხედავად იმისა, რომ სადაზღვევო ბაზარზე აგროდაზღვევის წილი წლიდან წლამდე იზრდება, ის ჯერ მაინც ძალიან მცირეა და 2024 წელს მთლიანი სადაზღვევო ბაზრის მხოლოდ 1,57% შეადგინა. კვლევა აჩვენებს, რომ პროგრამა განსაკუთრებით კონცენტრირებულია მაღალრისკიან რეგიონებში, რაც დაბალრისკიან ზონებში ფერმერთა ინტერესს ამცირებს. აღნიშნული გამოწვევების დასაძლევად მნიშვნელოვანია დამატებითი პროგრამების/პროდუქტების დანერგვა შედარებით მცირე მეურნეობების მასიური

ხასიათის (კატასტროფული) შემთხვევებისაგან დაცვის მიზნით, მნიშვნელოვანია ზიანის შეფასების ერთიანი მეთოდოლოგიების შექნა იმ კულტურებზე, რომლებზეც ჯერ არ არსებობს ან საჭიროა არსებულის გაუმჯობესება. საჭიროა აგროდაზღვევის პროგრამაში ზარალის შემფასებლად მუშაობის მინიმალური და აუცილებელი პირობების განსაზღვრა, მნიშვნელოვანია საჯარო და კერძოს სექტორის კიდევ უფრო აქტიური თანამშრომლობა და ეფექტიანი მექანიზმების დანერგვა, რაც ხელს შეუწყობს აგროდაზღვევის სისტემის გაძლიერებასა და სექტორის განვითარებას.

საკვანძო სიტყვები: რისკი, დაზღვევა, აგროდაზღვევა, სოფლის მეურნეობა, სახელმწიფო, კერძო სექტორი.

STAGES OF FORMATION, CURRENT SITUATION AND CHALLENGES OF AGRICULTURAL RISK INSURANCE IN GEORGIA

Shorena Jadugishvili
Phd student of GTU

ABSTRACT

Agriculture plays a significant role in the country's economy, and risk insurance represents an important instrument for its development. Risks include hail, storms, excessive precipitation, floods, frost, drought, and others.

In Georgia, a subsidized agricultural insurance program based on public-private sector cooperation has been functioning since 2014, with the aim of ensuring farmers' financial stability and the sustainability of agriculture. Within the framework of the program, insurance covers such major risks as hail, storms, excessive precipitation, and autumn frost (only for citrus crops).

Based on the program's outcomes, conditions are refined and adjusted almost annually, with changes being introduced accordingly. The definition of the franchise has been clarified; a unified standard for damage assessment (for certain crops) has been developed for all insurance companies participating in the project; reporting procedures and deadlines have been improved; normative yield levels, tariffs, and co-financing percentages have been reviewed and specified; and three-year

insurance for perennial crops has become possible. Furthermore, it has become mandatory to continuously record the description of insurance cases using a shoulder-mounted video camera with video and audio recording (Body-worn Camera, BWC).

Despite the progress achieved, the agricultural insurance system still faces challenges, including low coverage, adverse selection, the limited number of meteorological stations, and insufficient involvement of farmers. Although the share of agricultural insurance in the insurance market has been increasing year by year, it still remains very small, comprising only 1.57% of the total insurance market in 2024. Research shows that the program is particularly concentrated in high-risk regions, which reduces farmers' interest in low-risk zones.

To overcome these challenges, it is crucial to introduce additional programs and products aimed at protecting relatively small farms from large-scale (catastrophic) risks. It is also important to develop unified damage assessment methodologies for those crops where such methods do not yet exist or require improvement. Minimum and essential requirements for working as a damage assessor within the agricultural insurance program must be defined. Moreover, more active collaboration between the public and private sectors and the introduction of effective mechanisms are important, as they will contribute to strengthening the agricultural insurance system and fostering the development of the agricultural sector.

Keywords: Risk, Insurance, Agro-Insurance, Agriculture, Government, private sector.

ძირითადი ნაწილი


აგროდაზღვევის სახელმწიფო პროგრამის ფარგლებში სადაზღვევო კომპანიები გასცემენ სადაზღვევო პოლისებს და ახდენენ ზიანის რეგულირებას. სოფლის განვითარების სააგენტო აღნიშნულ პროცესს უწევს მონიტორინგს და გასცემს სახელმწიფო სუბსიდიას. აგროდაზღვევის პროგრამის მიხედვით დაზღვევა ფარავს სეტყვით, წყალდიდობით, ქარიშხლით და საშემოდგომო ყინვით (მხოლოდ ციტრუსისთვის) გამოწვეულ ზარალებს და ვრცელდება ერთწლიან და მრავალწლოვან მცენარეულ კულტურებზე. აგროდაზღვევის პროგრამა და ბიუჯეტის ოდენობა ყოველწლიურად მტკიცდება (იხ. ცხრილი1).

გამოვლენილი ხარვეზების საფუძველზე ყოველწლიურად ხდებოდა მთელი რიგი ცვლილებების განხორციელება პროგრამის შემდგომი დახვეწისა და გაუმჯობესების მიზნით. მათ შორის:


- ფრანშიზა განისაზღვრა რეალური მოსავლიანობიდან, ნაცვლად მისაღები მოსავლიანობისა;
- შემუშავდა ზარალის შეფასების საერთო სტანდარტები (გარკვეულ კულტურებზე) პროექტში მონაწილე ყველა სადაზღვევო კომპანიისათვის;
- დაიხვეწა სააგენტოში წარსადგენი ანგარიშების პროცედურები და ვადები;
- დაკორექტირდა ნორმატიული მოსავლიანობა ჰექტარზე და ერთი კილოგრამის ფასი თითოეული კულტურის შესაბამისად;
- ამოქმედდა ჯარიმები მზღვეველის მიერ წარსადგენი ანგარიშგებების ნაწილში;
- სავალდებულო გახდა დამზღვევის რეგისტრაცია „ფერმათა/ფერმერთა რეგისტრაციის პრო-

ცხრილი № 1

აგროდაზღვევის ბიუჯეტი წლების მიხედვით



სადაზღვევო პრემიები და ფერმერთა მიერ გადახდილი პრემიის წილი



ექტის“ ფარგლებში წარმოებულ რეესტრში;

- 2020 წლიდან პროექტი გახდა შედარებით გრძელვადიანი, მრავალწლოვანი კულტურების დაზღვევის შემთხვევაში, ფერმერებს შესაძლებლობა მიეცათ დაეზღვიათ საკუთარი მოსავალი არაუმეტეს სამი კალენდარული წლის ვადით.

- 2022 წელს სავალდებულოდ დაინერგა სამხრეთ ვიდუოკამერით ვიდუოგადაღება/აუდიო ჩანერა უწყვეტად სადაზღვევო შემთხვევის აღწერის პროცესში;

- მოხდა სადაზღვევო ტარიფის გადახედვა და ტარიფის ზედა და ქვედა ზღვარის დადგენა;

- შეიცვალა სააგენტოს მხრიდან თანადაფინანსების პროცენტი;

- 2025 წელს მცირემიწიან ფერმერთა ხელშეწყობის მიზნით გამყოფი ხაზის მიმდებარე სოფლებში მდებარე ნაკვეთის დაზღვევის შემთხვევაში სააგენტოს თანამონაწილეობა გაიზარდა 80%-მდე;

- დამზღვევის მიერ შეგნებულად, წინასწარ განზრახულად გაცხადებული ზარალის/ფუჭი ზარალის შემთხვევაში, რომელიც შეიცავს ყალბ ინფორმაციას, რაც მიზნად ისახავს მზღვეველისაგან ანაზღაურების მიღებას, მოხდება სადაზღვევო თანხის გარკვეული ფიქსირებული პროცენტით შემცირება.

აგროდაზღვევის პროგრამის ფარგლებში სადაზღვევო პრემიის სახელმწიფო თანადაფინანსება 2014-2015 წლების სეზონზე 92-95%-ს და 2015-2016 წლების სეზონზე 40-60%-ს შეადგენდა (დამოკიდებული იყო დასაზღვევ კულტურებზე), ხოლო 2016-2017 წლების სეზონზე. სახელმწიფო თანადაფინანსების სიდიდე 50-80%-ს შეადგენდა (დამოკიდებული იყო დასაზღვევ კულტურებზე და ასევე იმაზე, იყო თუ არა დასაზღვევი მიწა რეგისტრირებული), 2018 წლიდან დღემდე კი თანადაფინანსება ვრცელდება მხოლოდ საჯარო რეესტრში რეგისტრირებულ მიწაზე და დღეისათვის თანადაფინანსე-

ბის სიდიდე 70%-ს შეადგენს (ყველა კულტურისათვის, გარდა გამყოფი ხაზის მიმდებარე სოფლებში მდებარე ნაკვეთისა).

2018 წლის ცვლილების მიხედვით გაიცემოდა/გაიცემა სადაზღვევო პოლისი მხოლოდ ისეთ მიწის ნაკვეთზე, რომელიც რეგისტრირებული იყო სსიპ – საჯარო რეესტრის ეროვნულ სააგენტოში. აღნიშნულ ცვლილებას მოუმზადებელი შეხვდნენ როგორც პროექტში მონაწილე სადაზღვევო კომპანიები, ასევე გასული წლების აგროდაზღვევის პროგრამის ბენეფიციარი ფერმერები, რომელთაც საკუთრებაში ქონდათ დაურეგისტრირებელი ნაკვეთები და სურდათ მიმდინარე წელს კვლავ ჩართვა აღნიშნულ პროგრამაში. შედეგად, 2018 წლის 20 მაისისათვის წინა 2017 წლის 20 მაისის პერიოდთან შედარებით დაზღვეული ნაკვეთების რაოდენობა შემცირდა 54% ით, ხოლო მოზიდული პრემია 43% ით (იხ. სხრილი 2).

პროგრამის დაწყებიდან 2024 წლის ჩათვლით სადაზღვევო კომპანიების მიერ ჯამურად ანაზღაურებულმა ზარალმა 92 მლნ. ლარს გადააჭარბა. 2014 წლიდან 2024 წლის ჩათვლით ყოველწლიურად საშუალოდ 24 000 ნაკვეთია დაზღვეული. დაზღვეული ნაკვეთების ფართობი კი საშუალოდ 16 000-დან 18 000-მდეა.

დასკვნა

საქართველოში აგროდაზღვევა მნიშვნელოვან როლს ასრულებს სოფლის მეურნეობის მდგრადობისა და სტაბილურობის უზრუნველსაყოფად. მიუხედავად იმისა, რომ აგროდაზღვევა ითვლება ეფექტიან ინსტრუმენტად, არსებობს მთელი რიგი გამოწვევები, რომელიც ხელს უშლის მის სრულფასოვან განვითარებას. მათ შორისაა დაბალი მოცვა, ფერმერთა პროგრამაში ჩართვის არასაკმარისი მზაობა, მეტეოსადგურების არარსებობა, ანტისელექცია - პროგრამის ფარგლებში დაზღვე-

ული ნაკვეთების ნახევარზე მეტი სამ რეგიონშია გადანაწილებული, კერძოდ კახეთში, შიდა ქართლში და ქვემო ქართლში. რაც მიანიშნებს, რომ დაზღვევას იძენენ კონკრეტულად მაღალრისკიან რეგიონებში/რაიონებში. შესაბამისად, დაზღვევის შეძენის ნაკლები ინტერესი აქვს ფერმერს დაბალრისკიან რაიონში, მაგალითად როგორცაა იმერეთი. მიზანშეწონილია საჯარო და კერძო სექტორის თანამშრომლობის ფარგლებში შემუშავდეს დამატებითი პროგრამები/პროდუქტები ასეთი რეგიონი/რაიონებისათვის შედარებით მცირე მერყვნობების მასიური ხასიათის (კატასტროფული)

შემთხვევებისაგან დაცვის მიზნით. მნიშვნელოვანია ზიანის შეფასების ერთიანი მეთოდოლოგიების შექმნა იმ კულტურებზე, რომლებზეც ჯერ არ არსებობს ან საჭიროა არსმეტებულის გაუმჯობესება. ასევე მნიშვნელოვანია განისაზღვროს აგროდაზღვევის პროგრამაში ზარალის შემფასებლად მუშაობის მინიმალური და აუცილებელი პირობები. ეს ეხება როგორც ზარალის პირველად შემოწმებას, ასევე სადავო შემთხვევებს. აღნიშნული გამოწვევების დასაძლევად აუცილებელია საჯარო და კერძო სექტორის აქტიური თანამშრომლობა და ქმედითი ნაბიჯების განხორციელება.

გამოყენებული ლიტერატურა:

1. Ministry of Environmental Protection and Agriculture of Georgia, Agriculture and Rural Development Strategy of Georgia <https://mepa.gov.ge/Ge/Files/ViewFile/52484>
2. Rural Development Agency –Legal Acts Accessed <https://www.rda.gov.ge/en/legal/c3433ae9-5cca-425e-84bb-b9b3b10cc091/>
3. Statistical data of Insurance State Supervision Service of Georgia. Accessed <https://insurance.gov.ge/en/Statistics>
4. Statistical data of Georgian Insurers Association. Accessed <http://insurance.org.ge/index.php?a=search&sword=%E1%83%90%E1%83%92%E1%83%A0%E1%83%9D&lang=eng>
5. Agro Insurance Program Legal Acts. Accessed <http://www.insurance.org.ge/index.php?a=main&pid=478&lang=geo>
6. Legal Acts of Agro-Insurance Program. Accessed <http://www.insurance.org.ge/index.php?a=main&pid=245&lang=geo>
7. ცერცვაძე ა., ლაშხია შ. აგროდაზღვევის თავისებურებები და განვითარების პერსპექტივები საქართველოში, თბილისი, 2025 წ.
8. ლაფაჩი, ა., & ნიკოლაიშვილი, ა. (2022). აგროდაზღვევის განვითარების SWOT - ანალიზი საქართველოში. ეკონომიკა, VOLUME 105(ISSUE 3 2022), გვ. 165-173. doi:10.36962/ecs105/3/2022-165